



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. Vtrum actus interior & exterior sint vnum numero peccatum.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

D V B I V M.

*Vtrum actus interior & exterior sint
vnum numero peccatum?*

17
Scotus do-
ces esse duo
peccata,

SCOTUS QUODL. 18. ART. 3. docet propriè esse
duo peccata. Eadem est sententia Gabrielis
in 2. diff. 42. art. 2.

Primo, Quia sunt duo actus distincti, quorum
uterque secundum se habet propriam repugnanciam
contra rectam rationem, & legem diuinam.

Secundo, Quia diuersis præceptis prohiben-
tur furtum externum, & voluntas furandi; adul-
terium externum & concupiscentia vxoris alienae,
vt patet in præceptis Decalogi.

Tertio, Quia actio externa punitur: ergo per
se est peccatum.

*Actus in-
terior & ex-
terior phy-
sicè sunt
duo actus.*

Respondeo & Dico Primo, Voluntas interna
& opus externum sunt actus distincti, habentque
distinctas bonitates & malitias, si physicè loqua-
mur. Vnde & physicè dici possunt duo mala
opera, & duo peccata. Et hoc tantum probat
prima ratio.

18
Moraliter
vnus.

Dico Secundo, Moraliter tamen sunt vnum
numero actus & vnum peccatum. Est communis
sententia Doctorum.

Ratio est primo, Quia voluntas interior, &
actus exterior habent eamdem numero libertatem;
vt patet ex supradictis, quæst. 17: atqui
libertas tribuit esse morale actui: ergo habent
idem esse morale, ac proinde sunt vnum actus in
genere moris: sicut anima & corpus sunt vnum
viuens, vnum sentiens, quia habent vnam vitam
& eundem sensum: corpus enim eodem sensu
sentit, quo anima, & eadem vita vivit. Pari modo
actus externus eadem bonitate est laudabilis quam
actus internus.

Secundo, Quia vnitas moralis sicut & artifi-
cialis, non postulat tantam simplicitatem &
partium coniunctionem, quantam vnitatis naturalis:
sicut enim vt opus articiale sit vnum, v. g. vna
domus, vna veltis, non requirit nisi certa partium
dispositio & coherentia; ita vt actio sit vna
moraliter, sufficit dependentia exterioris ad in-
teriori, & habitudo ad vnum terminum.

Tertio, Quia actus exterior natura suā pendet
ab interiore, estque eius veluti complementum
& terminus: ergo in ratione inoris non debet
censi opus distinctum.

*Omnis a-
ctus qui
ordinem que-
dam ex vi
vnus in
tentio-
nis
sequuntur,
confentur,
vnus actus*

Hinc fit vt omnes actus qui ordine quodam
ex vi alicuius intentionis sequuntur & ad vnum
terminum tendunt, censeantur moraliter vnu
numero actus; quia habent inter se connexio-
nem, & dependentiam, & ordinem ad vnum ter-
minum: vt intentio, consilium, iudicium, electio, im-
perium, yfus. Et quamvis intentio, electio & imperium
habent diuersam libertatem, tamen propter con-
nexione & dependentiam in ordine ad eundem
terminum, censemur moraliter vnu actus.
Maior tamen est vnitas moralis, vbi tantum est
vna libertas.

*Soluun-
tar Argumen-
ta Scoti.*

Ex dictis patet Responsio ad primum argu-
mentum.

Ad secundum, Illi actus diuersis præceptis
prohibentur, non quod diuersa sint peccata, sed
vt populus ille intelligeret, non solum opus ex-
ternum, sed etiam internam cupiditatem, pec-

catum esse. Itaque ob illius populi ruditatem
hoc factum.

Ad tertium, Numquam actio externa secun-
dum se punitur, id est, præcisa voluntate interna.
Sed sicut sola bona voluntas meretur laudem, ita
sola mala voluntas meretur pœnam.

ARTICVLVS IV.

*Vtrum actus exterior aliquid
bonitatis vel malitia addat
actui interno?*

PRIMA Conclusio. Actus exterior quatenus
est bonus ex ordine ad finem, nihil bonitatis
addit actui interno. Ratio est, Quia tota hac ho-
nitas est in solo actu interno, & solum denomi-
natione extrinseca tribuitur externo.

Secunda Conclusio. Actus exterior vt est ho-
nus ex materia & circumstantijs, aliquid addit
actui interno. Ratio est, Quia talis actus exterior
secundum se habet bonitatem obiectivam, quæ
formaliter terminat actum voluntatis; & hanc
bonitatem addit actui interno.

Tertia Conclusio. Si defit facultas operandi,
& voluntas aliqui ex se sit perfecta, actus inter-
ior solus tam est bonus moraliter, quam interior
& exterior simul. Probatur, Quia tunc defectus
actus externi est omnino involuntarius: atqui
involuntarium sicut non meretur præmium, ita
neque de præmio vel pena quicquam detrahit.

Notandum, Opus externum per se multis mo-
dis aliquid commodi vel incommodi adferre,
quod opus internum solum præstare non potest.

Primò, Quia scandalum & ædificatio proximorum,
damnatio & restitutio, pax & perturbatio
generis humani, ex operibus externis pro-
uenient.

Secundò, Quia sanctificatio per Sacra menta &
per sacrificia fit operibus externis. Ipsum quo-
que externum martyrum habet vim sanctificandi,
iuxta probabilem sententiam, quam interna
voluntas sola non habet.

Tertiò, Quia actus externi valent ad satisfac-
tionem pro pena temporali, vt alibi ostendit.

Quartò, Quia actibus externis incurritur
censura Ecclesiastica; vt excommunicatio, sus-
pensio, interdictum, & irregularitas; non tamen
nudis actibus internis quantumvis prauis.

Quintò, Quia actibus externis efficiuntur ha-
biles ad recte operandum: crebro enim ieiunando,
orando, officia charitatis obeundo, reddi-
munt faciles & expediti: non similiter solo in-
terior affectu, qui in opus externum exire non
potest: hic enim affectus non ita vincit difficultates,
quæ in opere sentiri solent. Passiōnē
quoque moderatio & mortificatio maximè perfi-
citur actibus externis.

Sextò, Actus externi sèpè sunt occasio cur
affectus interior in seipso fiat melior vel peior:
affactus in-
ternum fit
melior va-
tione ope-
ris exter-
ni
Opus ex-
ternum ad
multa va-
let visus
Triplicer
Tertius fit
melior va-
tione ope-
ris exter-
ni
Quia,